

Je veus lire en trois jours l'Iliade d'Homere

Et pour-ce, Corydon, ferme bien l'huis sur moy.

Si rien me vient troubler, je t'asseure ma foy

Tu sentiras combien pesante est ma colere.

Je ne veus seulement que nostre chambriere

Vienne faire mon lit, ton compaignon, ny toy,

Je veus trois jours entiers demeurer à requoy,

Pour follastrer apres une sepmaine entiere.

Mais si quelqu'un venoit de la part de Cassandre,

Ouvre lui tost la porte, et ne le fais attendre,

Soudain entre en ma chambre, et me vien accoustrer.

Je veus tant seulement à luy seul me monstrar :

Au reste, si un Dieu vouloit pour moy descendre

Du ciel, ferme la porte, et ne le laisse entrer.

Pierre de Ronsard (1524–1585)

